

植物名實圖攷

植物名實圖考卷之十三

固始吳其濬著

蒙自陸應穀校刊

隰草類

還亮草

天葵

天奎草

黃花地錦苗

紫花地丁

活血丹

七葉荆

水楊梅

消風草

寶蓋草

地錦

過路黃 又一種

翦草

金瓜草

馬鞭花

尋骨風

附地菜 又一種

雞腸菜

鴨舌草

老鴉瓣

雷公鑿

水芥菜

野苦麻

野麻菜

狼尾草

淮草

水稗

葶草

魚腥草

千年矮 又一種

無心菜

小無心菜

湖瓜草

喇叭草

臭草

紐角草

小蓼花

無名六種

紅絲毛根

沙消

竹葉青



木名考卷之六
一
還亮草

還亮草臨江廣信山圃中皆有之春初卽生方莖五稜中凹成溝高一二尺本紫梢青葉似前胡葉而薄梢間發小細莖橫擎紫花長柄五瓣柄矗花欹宛如翔蝶中翹碎瓣尤紫豔微露黃藥花罷結角翻尖向外一花三角間有四角一名還魂草一名對叉草一名蝴蝶菊取莖煎水可洗腫毒 按本草拾遺桃朱術生園中細如芹花紫子作角以鏡向旁敲之則子自發五月五日乃收子帶之令婦人爲夫所愛其形極肖



天葵

天葵一名夏無蹤初生一莖一葉大如錢頗似三葉酸微大而綠背紫莖細如絲根似半夏而小春時抽生分枝極柔一枝三葉一葉三叉翻反下垂梢間開小白花立夏卽枯按南城縣志夏無蹤子名天葵此草江西撫州九江近山處有之卽鄭樵所謂菟葵卽紫背天葵者春時抽莖開花立夏卽枯質既柔弱根亦微細尋覓極難秋時復茁凌冬不萎土醫皆呼爲天葵南城與閩接壤故漁仲稔知之此草旣小不盈尺又生於石罅砌陰下安能與燕麥動搖春風耶建昌俚醫以敷乳毒極效



天奎草

天奎草生九江饒州園圃陰濕地一名千年老鼠矢一名爆竹
花春時發細莖一莖三葉一葉三叉色如石綠梢頭橫開小紫
花兩瓣雙合一瓣上揭長柄飛翹莖當花中赭根頗硬上綴短
鬚入夏卽枯俚醫以治積年勞傷酒煎服

黃花地錦苗




黃花地錦苗

黃花地錦苗江西湖南多有之與紫花者相類而葉莖瘦弱莖微赤葉尖細花有跗亦結小角



紫花地丁

紫花地丁生田塍中赭莖對葉葉似薄荷而圓梢開長紫花微似丹參花而色紫不白與本草綱目地丁異



活血丹

活血丹產九江饒州園圃階角墻陰下皆有之春時極繁高六七寸綠莖柔弱對節生葉葉似葵菜初生小葉細齒深紋柄長而柔開淡紅花微似丹參花如蛾下垂取莖葉根煎飲治吐血下血有驗入夏後卽枯不易尋矣



七葉荆

七葉荆生江西南昌田野中高二尺餘葉莖俱微綠葉如荆葉有齒近根三葉攢生上一層四葉又上一層五葉梢頭至七葉而止土人以七葉者極難得云爲鬼所畏語極誕但南方草木狀已有指病之說陶氏真隱訣亦有通神之語民間傳訛固非無本


水楊梅

陽草卷之十三



水楊梅

水楊梅本草綱目生水邊條葉甚多子如楊梅 按此草江西池澤邊甚多花老爲紫土人呼爲水楊柳與所引庚辛玉冊地椒開黃花不類



消風草

消風草南安長沙平野多有之綠莖有白毛葉似麻葉有歧紋極碎亂面濃綠背白有毛葉間開長蒂小粉紅花結圓實五瓣有點紋微似麻子



和名本草卷之二
寶蓋草

寶蓋草生江西南昌陰濕地一名珍珠蓮春初卽生方莖色紫
葉如婆婆納葉微大對生抱莖圓齒深紋逐層生長就葉中圓
團開小粉紫花土人採取煎酒養筋活血止遍身疼痛



地錦

地錦陰濕處有之紫莖場地生葉如初生菊葉而短深齒有光
開小粉紫花大如粟結實作毬味微辛湖南亦呼爲半邊蓮可
治跌損疑陳藏器所謂露下有光者是此草

過
路
黃



過路黃

過路黃處處有之生陰濕墻砌下拖蔓鋪地細莖葉似薄荷大如指頂二葉對生花生葉際淡紅亦似薄荷而小逐節開放歷夏踰秋蔓長幾二尺餘與石香薷牀相雜殊無氣味



過路黃

又一種

過路黃江西坡塍多有之鋪地拖蔓葉如豆葉對生附莖葉間
春開五尖瓣黃花綠跗尖長與葉並茁



翦草

翦草生江西九饒山坡似相思草而葉對生不連紫莖拖地俚呼翦草亦曰劉寄奴治跌損 按本事方翦草似茜治血症有殊功未知卽此草否



金瓜草

金瓜草南昌平隰有之鋪地抱葉似初生車前糙澀無紋按
唐本草狗舌草生渠塹濕地似車前而無文理抽莖開花黃白
色疑卽此圖經不具故不併入

直勿名實圖考

馬鞭花

隰草卷之十三



馬鞭花

馬鞭花廣饒平野有之叢生赭莖對節生枝葉如初生柳葉枝梢葉際發小枝開小黃花大如粟米頗似山桂而更小



尋骨風

尋骨風贛南沙田中有之叢生青黑莖葉前尖後團疎紋面青背白結實如粟穗綠苞白茸或呼爲尋骨風未知所用

附地菜



附地菜

附地菜生廣饒田野湖南園圃亦有之叢生軟莖葉如枸杞梢頭夏間開小碧花瓣如粟米小葉綠蒼相間開放或云北地呼爲野苜蓿



附地菜 又一種

附地菜生田野比前一種葉長大有星莖有微毛亦勁開五圓

瓣小碧花結小蒴如鈴雲南生者葉柔厚多毛茸茸如鼠耳俗

呼牛舌頭花又名狗屎花土醫用之

滇南本草狗屎花一名倒提壺一名一把抓味苦性

寒入肝腎二經升降肝氣利小便消水腫瀉胃中溼熱治黃疔
眼珠發黃周身黃如金止肝氣疼治七腫疝氣白花者治白帶
紅花者治赤帶瀉膀胱熱

雞
腸
菜

三

隰
草
卷
之
十
三



雞腸菜

雞腸菜生陰溼處初生鋪地葉柄長半寸許深齒疏紋如初生
車前葉大抽葶發小葉開五瓣小粉紅花花瓣不甚分破四瓣
平翹一瓣下垂又似雲頭樣微有黃心鄉人茹之與救荒本草
兩種皆異此以其葶細長而名



鴨舌草

鴨舌草處處有之固始呼爲鴨兒背生稻田中高五六寸微似
茨菇葉末尖後圓無歧一葉一莖中空從莖中抽葶破莖而出
開小藍紫花六瓣小大相錯黃蕊數點裊裊下垂質極柔脆芸
田者惡之湘陰縣志云可煮食



老鴉瓣

老鴉瓣生田野中湖北謂之棉花包固始呼爲老鴉頭春初卽生長葉鋪地如萱草葉而屈曲縈結長至尺餘抽葶開五瓣尖白花似海梔子而狹背淡紫綠心黃蕊入夏卽枯根如獨顆蒜鄉人掘食之味甘性溫補

雷公藥

三

隰草卷之十三



雷公鑿

雷公鑿江西平野有之土人不識其名固始呼爲雷公鑿狀如
水仙葉長而弱出地平鋪不能挺立本白末綠有黑皮極類水
仙根而無澁滑 按李時珍以老鴉蒜爲卽石蒜引及救荒本
草而湖南志中或謂荒年食之有因吐致死者余謂救荒本草
斷不至以毒草濟人此是綱目誤引之過考救荒本草並無花
葉不相見之語其圖亦無花實此草根葉與老鴉蒜圖符而生
麥田中鄉人取以飼畜其性無毒余嘗之味亦淡荒年掘食當
卽是此斷非石蒜




水芥菜

水芥菜江西瀕湖多有之初生葉如菠菜葉微帶紫色抽莖開
小黃花如穗 按救荒本草水芥葉多花又與此微異或開花
後葉老多叉耳



野苜蓿

野苜蓿處處有之多生麥田陂澤中莖葉俱似苜蓿花如小薊而鍼細軟花罷成絮固始呼爲禿女頭江西田中多蓄之以爲肥儉歲亦摘食按宋圖經水苜蓿生宜州葉如苜蓿而厚根似蒼朮不著其花此草柔莖花葉似苜蓿而根似朮或卽水苜蓿耶



野麻菜

野麻菜生廣饒田澤長葉布地花又如芥近根微紅根如白菜根或云可食



狼尾草

狼尾草爾雅孟狼尾本草拾遺始著錄葉如茅而莖紫穗如黍而極細長柔紛披粒芒亦紫湖南謂之細絲茅河南亦謂之蘭草葉可覆屋其粒極細救荒本草所不載拾遺云作飯食之令人不飢未敢深信



淮草

淮草生山岡田家亦種之葉如茅而莖梢開短穗數十莖結實如粟而小其葉以覆屋可廿年不易



水稗

水稗田野陂澤極多鋪地生葉扁莖如韭秋抽梢發又三四五枝扁齊結實如稗經潦不枯以爲牲芻



葶草

葶草湘陰志生湖地色淡白可蓋屋今平野亦多有之莖似初生小蘆秋結實作穗如水稗有鍼色青白固始謂之葶草



魚腥草

魚腥草生陰濕地細莖短葉秋作細穗如綫三叉天陰則氣腥馬不食之實極小歉歲則茂北地謂之熱草亦採以充飢

千年矮



千年矮

千年矮生田野中與水蓼相類而薈葉無齒大小葉攢生一處葉間結小青子或云浸酒服之有益



千年矮


又一種

千年矮生九江橫根叢生高四五寸紫莖柔脆四葉攢生面青背淡土醫以治牙痛

無心菜

五

隱草卷之三



無心菜

無心菜江西湖廣平野多有之春初就地鋪生細莖似三葉酸漿葉大如小指而頂有缺密排莖上湖北人多摘以爲茹亦呼爲豆瓣菜

小無心菜



小無心菜

小無心菜比無心菜莖更細莖如亂絲葉圓有尖春初有之



湖瓜草

湖瓜草生沙洲上高三四寸如初生麥苗而細抽莖結青實三四粒實下有小葉一二片如三稜草牲畜食之 按救荒本草磚子苗根子味俱甜子磨麪食根曬乾亦可爲麪形狀相同但此瘦而彼肥此係初生而彼係老根故大小不類耳

刺叭草



木名考
三
喇叭草

喇叭草產撫建荒田中高三四寸長根赭莖葉如榆葉秋時附莖結實長筍有三叉外向鄉人呼爲喇叭草肖形也



臭草

臭草撫州平野有之紫莖亭亭細枝如蔓一枝三葉大如指甲
秋開五瓣小黃花枝弱花疎偃仰有致

絛角草

卷

濕草卷之十三



紐角草

紐角草撫州田野中有之叢生似獨帚莖赭有節葉亦似獨帚而稀秋結小紫角似綠荳而細彎翹極繁

小蓼花

四

濕草卷之六



小蓼花

小蓼花生溝塍淺水中莖葉皆似水蓼而花作團穗上擎如覆盆子色尤嬌嫩



生饒州田野綠莖類蔓尖葉似菡萏而色淡綠又似鵝
兒腸葉而瘦長開五尖瓣淡黃花蕊色亦淡



生饒州田野綠莖直紋細枝極柔葉似地錦苗而小亦繁梢開四出小白花綠萼纖絲平頭繁攢亦復有致



產廣饒田野中叢生長條葉如初生柳葉微圓楮莖莖
端夏開長柄絲萼白花層層開放長至數尺下葉上花亦殊有
致土人不識



產廣饒河塢硬莖盤屈如梅葉亦如梅葉而無齒有細
毛附莖發長條開小白花如米粒土人不識



生建昌田野叢生赭莖葉似枸杞本細末團面緣背淡
梢端葉間開碎白花如蓼逐節發小橫枝攢簇開放極密土人

不識



生廣饒田野獨莖青赭色葉如長柄小匙而瘦面綠背
青白有直縷無細紋梢端結苞如葱韭開五瓣長筍子小白花
葉間亦抽小葶發小葉開花不作苞

植物名實圖考

紅絲毛根

卷

陽草卷之三



紅絲毛根

紅絲毛根產饒州平野褐莖高尺餘莖生枝葉如薄荷葉淡青無齒枝端開花成穗細如粟米青白色長三四寸裊裊下垂



沙消

沙消產九江沙洲上叢生高不盈尺紫莖微節抱莖生葉四五葉攢生一處頗似獨掃葉小根赭色九江俚醫以根煎酒治腰痛亦名鐵掃帚按救荒本草沙蓬又名雞爪菜生田野苗高一尺餘初就地蔓生後分莖又其莖有細線楞葉似獨掃葉狹窄而厚又似石竹子葉亦窄莖葉梢間結青子小如粟粒其葉味甘性溫採苗葉燂熟水浸淘淨油鹽調食疑卽此

竹葉青

竹葉青

卷之三

陽草卷之三



木牛名目
竹葉青

竹葉青生江西瑞州初生如葦茅漸發長葉似茅而闊面青背微白紋如竹葉有間道而澀性涼土人亦以淡竹葉用之